



საია საკონსტიტუციო სასამართლოში სახმელეთო ჯარების მოსამსახურის გათავისუფლების წესს ასაჩივრებს

2014 წლის 26 ნოემბერს საქართველოს ახალგაზრდა იურისტთა ასოციაციამ სახმელეთო ჯარების ყოფილი მოსამსახურის, გიგა ბარათაშვილის სახელით მიმართა საქართველოს საკონსტიტუციო სასამართლოს. გასაჩივრებულია თავდაცვის მინისტრის #583 ბრძანება, რომელიც ითვალისწინებს სამხედრო მოსამსახურის თანამდებობრივ გადაადგილებას (კადრების განკარგულებაში გადაყვანას) ისე, რომ **მოსამსახურეს არ განემართება ამგვარი გადაწყვეტილების მიღების სამართლებრივი** საფუძველი. სამხედრო მოსამსახურე კადრების განკარგულებაში იმყოფება ოთხი თვის განმავლობაში. ამ დროის გასვლის შემდეგ, თუ არ მოხდება სახმელეთო ჯარების მოსამსახურის სხვა თანამდებობაზე დანიშვნა, ხდება მისი გათავისუფლება სახმელეთო ჯარების პირადი შემადგენლობიდან.

საიას მიაჩნია, რომ მინისტრის #583 ბრძანება ეწინააღმდეგება საქართველოს კონსტიტუციის 29-ე მუხლის პირველ და მეორე პუნქტს, რომლითაც გარანტირებულია სახელმწიფო სამსახურში თანამდებობის დაკავების, აღნიშნული თანამდებობიდან უსაფუძვლო გათავისუფლებისაგან დაცვის უფლება. ვინაიდან თავდაცვის მინისტრს არ ევალება სახმელეთო ჯარების მოსამსახურეს განუმართოს თანამდებობიდან გათავისუფლების მიზეზები, აღნიშნული ნორმატიული აქტი არაკონსტიტუციურია.